

ხელშეკრულება
სახელმწიფო შესყიდვების შესახებ №01-03-246

05 დეკემბერი 2016 წელი

ქ. თბილისი

შემსყიდველი: სსიპ – მასწავლებელთა პროფესიული განვითარების ეროვნული ცენტრი, წარმოდგენილი ცენტრის დირექტორის **გიორგი მაჩაბლის** სახით;
მისამართი: ქ. თბილისი, გმირ კურსანტთა ქ. №1;
საიდენტიფიკაციო კოდი: 202374251;
საბანკო რეკვიზიტები: სახელმწიფო ხაზინა, კოდი: TRESGE22, ა/ა: GE24 NB03 3010 0200 1650 22.

მიმწოდებელი: შპს „კოლხეთი XXI“ წარმოდგენილი მისი დირექტორის **მარინა კოდუას** სახით;
იურიდიული მისამართი: ქ. თბილისი მარჯანიშვილის ქუჩა №44/48
საიდენტიფიკაციო კოდი: 202910822;
საბანკო რეკვიზიტები: სს „თი ბი სი ბანკი“, კოდი: TBCBGE22, ა/ა: GE09 TB11 7023 6020 1000 05.

ერთის მხრივ - შემსყიდველი და მეორეს მხრივ - მიმწოდებელი, „სახელმწიფო შესყიდვების შესახებ“ საქართველოს კანონის მე-10¹ მუხლის მესამე პუნქტის „ბ“ ქვეპუნქტის საფუძველზე, დებენ წინამდებარე ხელშეკრულებას შემდეგზე: **(თანხმობა №SMP160003047)**.

მუხლი 1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით;
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულებისათვის;
- 1.3. „დღე“, „კვირა“, „თვე“ – კალენდარული დღე, კვირა, თვე;
- 1.4. „შემსყიდველი“ – ორგანიზაცია, რომელიც ახორციელებს სახელმწიფო შესყიდვას;
- 1.5. „მიმწოდებელი“ – პირი, რომელიც ახორციელებს ხელშეკრულებით გათვალისწინებული მომსახურების მიწოდებას;
- 1.6. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი;
- 1.7. ვალდებულების არაჯეროვანი შესრულება – ვალდებულების ხელშეკრულების პირობებთან შეუსაბამოდ, არასრულად, უხარისხოდ შესრულება.
- 1.8. ხელშეკრულებით ნაკისრი ვალდებულების შესრულების ვადების გადაცდენა – მხარის მიერ ნაკისრი ვალდებულების ხელშეკრულებით განსაზღვრულ ვადაში შეუსრულებლობა.

მუხლი 2. ხელშეკრულების საგანი

ხელშეკრულების საგანია სსიპ - მასწავლებელთა პროფესიული განვითარების ეროვნული ცენტრის პროგრამის „მასწავლებელთა მომზადებისა და გადამზადების (ტრენინგების)“ ფარგლებში დაგეგმილი მასწავლებელთა მეოთხე ეროვნული კონფერენციის მონაწილეებისთვის სასტუმრო-საკონფერენციო მომსახურების გაწევა, რომელიც თავის მხრივ მოიცავს მონაწილეთა სასტუმროში დაბინავების, კვების, კონფერენციის ორგანიზების მომსახურებას, რომელთა დეტალური მახასიათებლები, მითითებულია ხელშეკრულების დანართ N 1-ში. (CPV:55100000 - სასტუმროს მომსახურება 55120000 - სასტუმროში შეხვედრებისა და კონფერენციების ორგანიზების მომსახურება 55130000 - სასტუმროსთან დაკავშირებული სხვა მომსახურებები).

მუხლი 3. ხელშეკრულების ღირებულება

- 3.1. შესასყიდი ობიექტის ფასი განისაზღვრება ეროვნულ ვალუტაში;
- 3.2. შესასყიდი მომსახურების ჯამური ღირებულება შეადგენს **19348,00** (ცხრამეტიათას სამასორმოცდარვა ლარი და ნული თეთრი) ლარს.



3.3 გასაწევი მომსახურების დასახელება, რაოდენობა და ერთეულის ფასი მოცემულია დანართ N 1-ში;
3.4 დაფინანსების წყარო სსიპ – მასწავლებელთა პროფესიული განვითარების ეროვნული ცენტრის
„მასწავლებელთა მომზადებისა და გადამზადების (ტრენინგების)“ პროგრამა.

მუხლი 4. შესასყიდი ობიექტის ხარისხი და დეტალური ინფორმაცია

- 4.1. მიმწოდებელი პასუხისმგებლობას კისრულობს, რომ გასაწევი მომსახურება შეესაბამება წინამდებარე ხელშეკრულების პირობებს და განხორციელდება ხარისხიანად მაღალპროფესიულ დონეზე;
- 4.2 მიმწოდებელი აცხადებს, რომ გაწეული მომსახურება იქნება უნაკლო.
- 4.3 **სასტუმროში მონაწილეთა დაბინავება უნდა განხორციელდეს შემდეგნაირად:**
- ა. სასტუმროში მონაწილეთა დაბინავება უნდა განხორციელდეს შემდეგნაირად: 60 ადამიანი მაქსიმუმ – არაუმეტეს 3 (სამი) ადგილიან ნომრებში.
- ბ. თითოეულ ოთახში უნდა იყოს ცალ-ცალკე საწოლები, გასაშლელი საწოლები არ განიხილება; ოთახებში დაცული უნდა იყოს სანიტარული ნორმები და იყოს შესაბამისი რაოდენობის პირველადი ჰიგიენის პროდუქტები (საპონი, შამპუნი, დასაბანი გელი და სხვა). სასტუმროს თითოეულ ნომერს უნდა ჰქონდეს სველი წერტილები, ცივი და ცხელი წყალი და გათბობა-კონდიციონერება (24 საათი), ინტერნეტთან მუდმივი წვდომა – Wi-Fi ქსელი, მინიმალური სიჩქარე 1 მგბ/წმ. სასტუმროს პერსონალმა უნდა უზრუნველყოს სტუმრების ტვირთის მიტანა მათ კუთვნილ ოთახებამდე.
- 4.4 **სასტუმროში შეხვედრების და კონფერენციების ორგანიზების მომსახურება (სატრენინგო ფართის დაქირავება):**
- 1) საკონფერენციო დარბაზი 120 მონაწილეზე 1 სრული დღე. საკონფერენციო დარბაზის წინ რეგისტრაციისთვის გამოყოფილი უნდა იყოს 4 (ოთხი) მაგიდა და 8 სკამი. საკონფერენციო დარბაზში უზრუნველყოფილი უნდა იყოს მინიმუმ შემდეგი საკანცელარიო და ტექნიკური რესურსი:
- ა) 2 (ორი) მობილური და 3 (სამი) დასადგამი მიკროფონი;
- ბ) დაფა, ბორდ მარკერი (2 სხვადასხვა ფერის 3-3 ცალი);
- გ) პროექტორი და პროექტორის დაფა;
- დ) ფლიპ ჩარტი - 2 (ორი) შეკვრა;
- ე) ლეპტოპი;
- ვ) ინტერნეტი;
- ზ) სკამები 120 (ასოცი) პერსონაზე;
- თ) 1 კათედრა 5 (ხუთი) ადამიანზე;
- ი) თითოეულ მონაწილეზე 1 (ერთი) ლიტრი სასმელი წყალი.
- 2) 5 (ხუთი) სატრენინგო ოთახი - 1 (ერთი) დღე. თითოეულ ტრენინგ ოთახში უზრუნველყოფილი უნდა იყოს მინიმუმ შემდეგი საკანცელარიო და ტექნიკური რესურსი:
- ა) სამუშაო მაგიდები და სკამები 21 (ოცდაერთი) მონაწილისათვის;
- ბ) ბლოკნოტი (ფორმატი A5 -) - 21(ოცდაერთი) ერთეული;
- გ) საწერი კალამი - 21 (ოცდაერთი) ერთეული;
- დ) ფლიპ ჩარტი - 2 (ორი) შეკვრა;
- ე) თეთრი დაფა, დაფის ბორდ მარკერი (2 სხვადასხვა ფერის 3-3 ცალი);
- ვ) პროექტორი და პროექტორის დაფა;
- ზ) ლეპტოპი;
- თ) დინამიკები;
- ი) ინტერნეტი;
- კ) ტრენინგის მონაწილეები უზრუნველყოფილნი უნდა იყვნენ თითოეულ მონაწილეზე 0.5 ლიტრი სასმელი წყალი.
- 3) საკონფერენციო დარბაზში/სატრენინგო ოთახებში უნდა იყოს გამართული გათბობის საშუალება. სატრენინგო ოთახები უნდა იყოს იზოლირებული და ერთმანეთისგან დამოუკიდებელი (ფარდით ან სხვა საშუალებით გამოყოფა არ მოიაზრება);

კონფერენციო, სატრენინგო ოთახები არ უნდა იყოს სარდაფში ან ნახევრად სარდაფში. ოთახებს უნდა
ქონდეს დღის ბუნებრივი განათება (უფანჯრო ოთახები არ განიხილება) და უნდა ნიავედებოდეს;

4.5 კვებითი მომსახურება უნდა განხორციელდეს შემდეგნაირად (შვედური მაგიდა):
მომსახურება უნდა მოიცავდეს სამჯერად კვებას – შემოთავაზებული მენიუ უნდა იყოს მდიდარი რაციონის
და იცვლებოდეს პერიოდულად. მენიუ უნდა მოიცავდეს სამარხვო და არასამარხვო კერძებს ამასთან,
მინიმუმ უნდა შეიცავდეს:

- საუზმე:**
- გარნირი (4სახეობის- მათ შორის ორი სამარხვო);
 - ცომეული (2 სახეობის, მათ შორის ერთი სამარხვო);
 - პური (შავი, თეთრი);
 - სასმელი (ჩაი 2 სახეობის: თეთრი და შავი, ყავა, წვენი).
 - შაქარი;
 - ხილი (4 სახეობის);
 - ჯემი;
 - ძეხვეული (2 სახეობის).
 - რძის ნაწარმი (4 სახეობის).

- სადილი:**
- წვნიანი (2 სახეობის -მათ შორის ერთი სამარხვო);
 - რძის ნაწარმი (2 სახეობის: ხაჭო, ყველი);
 - ცხელი კერძი (2 სახეობის ხორციანი და 1 სახეობის სამარხვო);
 - ცომეული (2 სახეობა, მათ შორის 1 სამარხვო);
 - სალათი (3 სახეობის: მათ შორის 2 სახეობა სამარხვო);
 - გარნირი 3 სახეობის მათ შორის 1 სახეობა სამარხვო);
 - დესერტი -სეზონური ხილი;
 - სასმელი (ნატურალური წვენი, მინერალური წყალი, წყალი).

- ვახშამი:**
- ძეხვეული (2 სახეობის);
 - ცომეული (2 სახეობის, მათ შორის ერთი სამარხვო);
 - პური (შავი, თეთრი);
 - გარნირი (3 სახეობის - მათ შორის 2 სამარხვო);
 - ცხელი კერძი (2 სახეობის - ხორცი; 1 სახეობა- სამარხვო);
 - რძის ნაწარმი (3 სახეობის: ხაჭო, არაჟანი, ყველი);
 - სასმელი (ჩაი 2 სახეობის: შავი და მწვანე, ყავა უნალექო, წყალი);
 - შაქარი.

- ყავისა და ჩაის შესვენება:**
- ყავა უნალექო;
 - ჩაი 2 სახეობის: მწვანე და შავი;
 - ნამცხვარი 2 სახეობის კრემით და 2 სახეობის სამარხვო (არა ქარხნული დამზადების, ე.წ. „პეკენია“);
 - რძე;
 - შაქარი;
 - ლიმონი.

მუხლი 5. შესასყიდი მომსახურების ფორმა, ვადები და ადგილი

- 5.1. მომსახურების გაწევის ვადაა 2016 წლის 10-11 დეკემბერი;
- 5.2. მომსახურების გაწევის ადგილი ქ. თბილისი მარჯანიშვილის ქუჩა №44/48 სასტუმრო „ზვ პალასი“.



მუხლი 6. შესასყიდი ობიექტის მიღება-ჩაბარების წესი

6.1 შესასყიდი ობიექტის მიღება ფორმდება შემსყიდველისა და მიმწოდებლის უფლებამოსილი წარმომადგენლების მიერ ხელმოწერილი მიღება-ჩაბარების აქტის საფუძველზე, რაც ასევე ადასტურებს მიმწოდებლის მიერ ნაკისრი ვალდებულებების შესრულებას;

6.2 მიღება-ჩაბარების აქტზე ხელმოწერის უფლებამოსილება შემსყიდველის მხრიდან მიენიჭოს სსიპ – მასწავლებელთა პროფესიული განვითარების ეროვნული ცენტრის რეგიონული კოორდინაციის სამსახურის უფროსი ზაზა გუნცაძე. მიღება-ჩაბარების აქტის გაფორმების საფუძველია ინსპექტირების დასკვნა.

მუხლი 7. ანგარიშსწორება

7.1 ანგარიშსწორება განხორციელდება მიღება-ჩაბარების (შესრულების) აქტის გაფორმებიდან 10 (ათი) სამუშაო დღის განმავლობაში;

7.2 ანაზღაურება მიმწოდებელთან განხორციელდება უნაღდო ანგარიშსწორების ფორმით, ეროვნულ ვალუტაში;

მუხლი 8. მხარეთა უფლება-მოვალეობანი

8.1 „შემსყიდველი“ ვალდებულია:

8.1.1 ხელშეკრულებით გათვალისწინებული პირობების შესაბამისად, აუნაზღაუროს „მიმწოდებელს“ ფაქტიურად გაწეული მომსახურების ღირებულება;

8.1.2 აუნაზღაუროს მიმწოდებელს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით.

8.2 „შემსყიდველს“ უფლება აქვს:

8.2.1 შეამოწმოს გაწეული მომსახურების შესაბამისობა ხელშეკრულებით გათვალისწინებულ პირობებთან. განახორციელოს კონტროლი და ზედამხედველობა „მიმწოდებლის“ მიერ ხელშეკრულების პირობების დაცვაზე;

8.2.2 მოითხოვოს იმ ზიანის ანაზღაურება, რაც გამოწვეულია მიმწოდებლის მიერ ამ ხელშეკრულებით ნაკისრი ვალდებულებების შეუსრულებლობით ან არაჯეროვანი შესრულებით;

8.2.3 მოსთხოვოს მიმწოდებელს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება;

8.3 „მიმწოდებელი“ ვალდებულია:

8.3.1 დაიცვას ხელშეკრულებით გათვალისწინებული ყველა პირობა;

8.3.2 კვალიფიციურად გაუწიოს შემსყიდველს ამ ხელშეკრულების მე-2 მუხლში აღნიშნული მომსახურება;

8.3.3 ხელშეკრულებით გათვალისწინებული მომსახურების გაწევისას აცნობოს შემსყიდველს ყველა განსაკუთრებული გარემოების შესახებ;

8.3.4 აუნაზღაუროს შემსყიდველს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით;

8.3.5 საკუთარი ხარჯებით გამოასწოროს გამოვლენილი ნაკლი;

8.3.6 წარუდგინოს შემსყიდველს გაწეულ მომსახურებასთან დაკავშირებული სრული დოკუმენტაცია.

8.4 „მიმწოდებელს“ უფლება აქვს:

8.4.1 წარუდგინოს შემსყიდველს ფიზიკურად გაწეულ მომსახურებასთან დაკავშირებული სრული დოკუმენტაცია, რომელსაც ხელი მოეწერება მიმწოდებლის მიერ გაწეული მომსახურება შემსყიდველის მიერ ხარისხობრივი შემოწმების და მოწონების შემდეგ და მოითხოვოს გაწეული მომსახურების ღირებულების ანაზღაურება ხელშეკრულებით გათვალისწინებული პირობებით;

8.4.2 მოსთხოვოს „შემსყიდველს“ გაწეული მომსახურების ღირებულების ანაზღაურება ხელშეკრულებით გათვალისწინებული პირობებით;

8.4.3 მოსთხოვოს შემსყიდველს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება.

მუხლი 9. ხელშეკრულების პირობების შეუსრულებლობა

- 9.1. ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისათვის მხარეს ეკისრება პირგასამტეხლო შეუსრულებელი ვალდებულების ღირებულების 0.02 % -ის ოდენობით;
- 9.2. მიმწოდებლის მიერ ხელშეკრულების არაჯეროვანი შესრულების შემთხვევაში მხარეს ეკისრება პირგასამტეხლო ხელშეკრულების ღირებულების 10 (ათი) % -ის ოდენობით;
- 9.3. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური მოცულობა გადაჭარბებს ხელშეკრულების საერთო ღირებულების 5 (ხუთი)%-ს, შემსყიდველს უფლება აქვს ცალმხრივად შეწყვიტოს ხელშეკრულება;
- 9.4. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

მუხლი 10. ხელშეკრულების ინსპექტირების პირობები

- 10.1 შემსყიდველის წარმომადგენლებს უფლება აქვთ განახორციელონ მომსახურებაზე ტექნიკური კონტროლი, რათა დარწმუნდნენ მათ შესაბამისობაში ხელშეკრულებით გათვალისწინებულ ტექნიკურ პირობებთან;
- 10.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს შემსყიდველი;
- 10.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა ნაკლის აღმოფხვრა, წუნდებული მომსახურების გამოსწორება.
- 10.4. ხელშეკრულებით განსაზღვრული პირობების კონტროლს განახორციელებს სსიპ – მასწავლებელთა პროფესიული განვითარების ეროვნული ცენტრის რეგიონული კოორდინაციის სამსახურის ტრენინგების კოორდინატორების ჯგუფის უფროსი ნინო აფციიაური, რომელიც წერს დასკვნას ხელშეკრულების პირობებთან შესყიდვის საგნის შესაბამისობის შესახებ.

მუხლი 11. ხელშეკრულების შეწყვეტა

- 11.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ;
- 11.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება და მისი მიღების საფუძველი. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე არაუმცირეს ერთი თვით ადრე;
- 11.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;
- 11.4 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:
- 11.4.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- 11.4.2 მიმწოდებლის გაკოტრების შემთხვევაში;
- 11.4.3 საქართველოს კანონმდებლობით გათვალისწინებულ სხვა შემთხვევებში.
- 11.5 ამ მუხლის 11.4 პუნქტში მითითებულ შემთხვევებში შემსყიდველი ვალდებულია აღნაზღაუროს მიმწოდებელს ფაქტიურად გაწეული მომსახურების ღირებულება.

მუხლი 12. ხელშეკრულების პირობების გადასინჯვა

- 12.1 მხარეები უფლებამოსილნი არიან მოახდინონ ხელშეკრულების პირობების გადასინჯვა და ცვლილება შეიტანონ მოქმედ ხელშეკრულებაში;
- 12.2 ხელშეკრულებაში ცვლილების შეტანის ინიციატორმა მხარემ წერილობითი სახით უნდა აცნობოს მეორე მხარეს შესაბამისი დასაბუთებული ინფორმაცია;

12.3 დაუშვებელია ხელშეკრულებაში იმგვარი ცვლილების შეტანა, რომლითაც უარესდება ხელშეკრულების პირობები შემსყიდველი ორგანიზაციისათვის ან იზრდება ხელშეკრულების ღირებულება, გარდა საქართველოს სამოქალაქო კოდექსის 398-ე მუხლის, „გამარტივებული შესყიდვის კრიტერიუმები და გამარტივებული შესყიდვის ჩატარების წესის დამტკიცების შესახებ“ „სახელმწიფო შესყიდვების შესახებ“ საქართველოს კანონის და სააგენტოს თავმჯდომარის 2015 წლის 17 აგვისტოს №13 ბრძანებით დამტკიცებული წესით გათვალისწინებული შემთხვევებისა;

12.4 ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც ჩაითვლება ხელშეკრულების განუყოფელ ნაწილად.

მუხლი 13. ფორსმაჟორი.

13.1 მხარეები არ აგებენ პასუხს ხელშეკრულებით გათვალისწინებული ვალდებულების მთლიანად ან ნაწილობრივ შეუსრულებლობისათვის, თუ ეს გამოწვეულია ფორსმაჟორული გარემოების დადგომის გამო და თუ ეს დაიწყო ან განვითარდა ხელშეკრულების დადების შემდეგ;

13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, ემბარგოს დაწესებით, დაფინანსების მკვეთრი შემცირებით და სხვა;

13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუზიაროს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან;

მუხლი 14. ხელშეკრულების მოქმედების ვადა

ხელშეკრულების მოქმედების ვადა განისაზღვრება ხელშეკრულების ხელისმოწერის დღიდან და ძალაშია 2017 წლის 15 იანვრის ჩთვლით.

მუხლი 15. დავები და მათი გადაწყვეტის წესი

15.1 წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას მხარეთა ერთობლივი მოლაპარაკების საფუძველზე;

15.2 თუ „შემსყიდველი“ და „მიმწოდებელი“ მოლაპარაკების დაწყებიდან 10 (ათი) დღის განმავლობაში ვერ შეძლებენ შეთანხმების საფუძველზე გადაწყვიტონ დავა, მაშინ ნებისმიერ მხარეს შეუძლია მიმართოს სასამართლოს მოქმედი კანონმდებლობით დადგენილი წესით.

მუხლი 16. სხვა პირობები

16.1 ამ ხელშეკრულებით გაუთვალისწინებელი პირობები რეგულირდება საქართველოს მოქმედი კანონმდებლობით;

16.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;

16.3 მესამე პირთან (პირებთან) ურთიერთობაში მხარეები მოქმედებენ თავიანთი სახელით, ხარჯებითა და რისკით;

16.4 წინამდებარე ხელშეკრულების რომელიმე პუნქტის ბათილად ცნობა არ იწვევს მთელი ხელშეკრულების ან მისი სხვა პუნქტების ბათილობას;

16.5 წინამდებარე ხელშეკრულება არ შეიცავს არანაირ სიტყვიერ დამატებას;

16.6 დანართები წარმოადგენენ ამ ხელშეკრულების შემადგენელ, განუყოფელ ნაწილს და მოქმედებენ მხოლოდ მასთან ერთად;

16.7 მხარეებს შორის ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;

16.8 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილია მხარეთა მიერ;

16.9 ხელშეკრულება შედგენილია 3 (სამი) თანაბარი იურიდიული ძალის მქონე ეგზემპლარად, ქართულ ენაზე. 2 (ორი) ეგზემპლარი ინახება შემსყიდველთან, ხოლო 1 (ერთი) ეგზემპლარი გადაეცემა მიმწოდებელს;

16.10 ყოველივე ზემოაღნიშნულის დასადასტურებლად, სათანადო უფლებამოსილებით აღჭურვილმა ქვემოთ აღნიშნულმა პირებმა ხელი მოაწერეს წინამდებარე ხელშეკრულებას.

მუხლი 17. მხარეთა ხელმოწერები

შემსყიდველი:

სსიპ – მასწავლებელთა პროფესიული განვითარების
ეროვნული ცენტრი

მიმწოდებელი:

შპს „კოლხეთი XXI“



გიორგი მაჩაბელი
დირექტორი



მარინა კოლია
დირექტორი

სასტუმროს ნომრით მომსახურება, 2016 წლის 10,11 დეკემბერი სულ 2 (ორი) დღე და 1(ერთი) ღამე						
Nº	გასაწევი მომსახურების დასახელება	პერსონათა რაოდენობა	თარიღი	დღეების/ღამეების რაოდენობა	ერთეულის ფასი	საერთო ფასი
1.1	არაუმეტეს სამადგილიანი ნომერი	60	10 დეკემბერი	1	107	6420
						ჯამი: 6420
შენიშვნა: ერთეულის ფასში მოიაზრება ნომერში ერთი კაცის დაბინავების ღირებულება						
2 საკონფერენციო ოთახის დაქირავება						
Nº	გასაწევი მომსახურების დასახელება	რაოდენობა	თარიღი	დღეების რაოდენობა	ერთეულის ფასი	საერთო ფასი
2.1	1 (ერთი) საკონფერენციო ოთახი	1	10 დეკემბერი	1	700	700
2.2	5 (ხუთი) სატრენინგო ოთახი	5	10 და 11 დეკემბერი	1	300	2400
						ჯამი: 3100
3 კვებითი მომსახურება						
Nº	გასაწევი მომსახურების დასახელება	რაოდენობა	თარიღი	ჯერადობა	ერთეულის ფასი	საერთო ფასი
3.1	საუზმე	60	11 დეკემბერი	1	9.8	588
3.2	სადილი	120	10 და 11 დეკემბერი	2	26	6240
3.3	ვახშამი	60	10 დეკემბერი	1	26	1560
3.4	ყავის შესვენება	120	10 დეკემბერი	1	6	720
3.5	ყავის შესვენება	120	11 დეკემბერი	1	6	720
						ჯამი: 9828
						საერთო ჯამი: 19348

მხარეთა ხელმოწერები

შემსყიდველი:

მიმწოდებელი:

სსიპ – მასწავლებელთა პროფესიული განვითარების ეროვნული ცენტრი

შპს „კოლხეთი XXI“

გიორგი მაჩაბელი
დირექტორი

მარინა კოდია
დირექტორი

